

**Chew Mei Fun dinamakan sebagai calon BN adun kajang**  
**Astro Awani**  
**21February, 2014**

**KUALA LUMPUR:** Naib presiden MCA Datin Paduka Chew Mei Fun telah diumumkan sebagai calon Barisan Nasional (BN) untuk Pilihanraya Kecil (PRK) Dewan Undangan Negeri (DUN) Kajang, seperti diramalkan pelbagai pihak.

Pengumuman tersebut dibuat oleh Timbalan Perdana Menteri Tan Sri Muhyiddin Yassin ketika sidang media di Pusat Dagangan Dunia Putra (PWTC) hari ini.

Muhyiddin berkata Chew dilihat sebagai calon yang paling sesuai.

"Calon ini berwibawa, pernah jawat jawatan kerajaan, dan seorang wanita cantik..." kata Muhyiddin.

Muhyiddin berkata BN perlu tanding di Kajang walaupun pernah kalah lebih 6 ribu undi. "Kita pun ada penyokong dan bilangan ahli yang besar (di Kajang)," katanya.

Chew, 50, adalah bekas Ahli Parlimen Petaling Jaya Utama.

Beliau juga pernah menjadi Senator, Ketua Wanita MCA dan Timbalan Menteri Pembangunan Wanita, Keluarga dan Masyarakat.

Kerusi DUN Kajang telah dikosongkan berikutan peletakan jawatan Ahli Dewan Undangan PKR Lee Chin Cheh bagi membuka jalan kepada Ketua Pembangkang, Datuk Seri Anwar Ibrahim untuk bertanding dalam PRK itu.

Selain Anwar, bekas Presiden parti KITA Datuk Zaid Ibrahim turut umumkan keinginan untuk bertanding sebagai calon bebas.

Dalam PRU 13, Lee memperolehi 19,571 undi untuk mengalahkan calon BN, Lee Ban Seng yang mendapat 12,747 undi.

Lee menang dengan majoriti 6,824 setelah mengalahkan empat calon bebas lain.

Copyright © Astro Awani Network Sdn. Bhd. 2014 (535275-D).

Source: <http://www.astroawani.com/news/show/chew-mei-fun-dinamakan-sebagai-calon-bn-adun-kajang-30528?cp>